

## 25 PASTEBIEJĒMĀ

1. PATI NELAIMINGIAUSĒ TA SIEKLA, KATRA SODĪGST NE SAVA ŽEMIE.
2. PATI GRAŽIAUSĒ TA KVIETKA, KATRA ŽĪD SVETĒMAMĒ DARŽELIE.
3. PATĒS AUKŠTIAUSĒS ĪR TUOS DRUOBĪNAS, KATRUOMS GALI ĒLĒPTĒ I MIENESIELI.
4. NET PATS GALINGIAUSIS KARALIOS NEGAL MĒZERĒJUOMS PAVALDĒNEMS OŽDRAUSTĒ MĪLIETĒ BAISĒ GRAŽĒ SAULIELĪDĒ. TAMĒ Ē PASĒRĒIŠK GALINGŪJU BEJIEGĒŠKOMS.
5. BE PRUOTA PRUOTINGS ĪR TAS, KATRAS NEPAVĪD PRUOTA KĒTAM BE PRUOTA PRUOTINGAM.
6. KOISIAUS NEKĒNTAM OŽ TOU, KAD ONS PRIŠ KOUSDAMS TAU I OŽAUSI, I AUSI ZĪZ... BRUOLIELI... BRUOLIELI...
7. GĪVENĒMA KEISTENĪBĒ ĪR TUOKI – NET VAGĒS PRIŠ ĒDAMS VUOGTĒ, PRAŠA PONDĒIVA PAGELBAS.
8. GERIAUSĒ BŪTĒ ASELO, MAT NIEKS ANUO NETOMPA OŽ AUSŪ, NES ANUO AUSĪS ĒR TĒP BEPRUOTA ĒLGAS.
9. NERAŠĪTA TAISĪKLĒ – ŠĒRDĒS VĒSUMET TRUOKŠT TUO, KUO NEGAL GAUTĒ.
10. OŽDRAUSTA VAISIAUS SMUOKS PASKANIE PAR PĒLNATI ARBA PU VĒDORNAKTĒ.
11. SAKUOMA, KAD NU DORNOMA NIER VAISTŪ, OŽTAD ATSĒRADA TĒIK DAUG DURNIU, KATRĒI RĪN VAISTUS SAUJUOM VĒIN DIEL SAVA DORNOMA Ē VAISTININKU BEI DAKTARU GODROMA.
12. GAMTUOS KEISTĒNĪBĒ – BĒTELEĒ TUOKS MAŽOS VABALIELIS VUO SPĒR ŽMUOGOU KĀP TĒKROS DRĒGONTS... NET PU TRIS DĒINAS KARTĀS PRĒSĒIN VĀKŠČIUOTĒ PAPŪTOS SOTĒNUSIUS ZŪBUS.
13. REKLAMAS KEISTĒNĪBĒ – KŪDĒKELEĒ Ē BE REKLĀMAS ATROND PĒINIELI MĀMAS.
14. SUNKOS ŽMUOGAUS GĪVENĒMS... KĒIK RĒK ĒŠKĒNTIETĒ KŪDĒKELIOU, PAKOL SODĪGST DONTELĒ, VUO PASKIAU SENATVIE KĒIK RĒK VARGTĒ, PAKOL TĒI DONTĪS ĒŠBĒRST LAUKUON ĒR DONTISTĀ I BORNA SOKĒŠ BALTA MUOLĒ PRUOTEZUS.
15. KOMPIUTERIS ATNEŠĒ DĒDĒLĒ PAŽONGA ŽMUONIŪ GĒMĒNĒ: PADARĒ ANŪ FEISUS BOKĀS, ĒTAISĒ PAPĒLDUOMAS KVADRATĒNĒS AKIS SO RIEMELĒS Ē SOPORMAVA KRAMELIE KVADRATINIUS SMAGINIS, KATRŪS VINGIU VĒITUO ATSĒRADA KVADRATĒNĒS LĒNĒJĒS.

16. MĪLIETĒ GAL NE TIK PRIEŠINGA AR SAVA LĪTI, MĪLIETĒ GAL NE TIK PININGUS, VALDŽĒ AR SAVA MORZELĒ ONT ŽIORNALA VĒRŠELIAUS... MĪLIETĒ DA GAL SAULĒ TEKONTĒ AR ŽVAIGŽDELĒ SOŠALOSĒ DONGAUS VĒDORIE... BET LABIAUSĒ MĪLAM TUS, KATRUS OŽKASAM I ŽEMELĒ...
17. JE KALIEJĒMŪS REKTOM STUOVIETĒ, VUO NE SIEDIETĒ... KALIEJĒMĀ BŪTOM TOŠTĒ, NES, PASTUOVIEJOS VĒINUO VĒITUO NUORS POSĒ DĒINUOS, TUJAUS PAR LINKMINIS PRADED LINKTĒ KUOJĒS.
18. JE NEBŪTOM ONT SVIETA ŽIUOGIELIU MOZĒKONTU, SKROZDELIEMS DARBININKIEMS NU KASDĒINĪBĒS DARBŪ KRAUS I ŽVĪRA PAVĒRSTOM ĒR OŽKĒŠTOM ŠIRDI.
19. JE NEBGALI OŽMĒGTĒ, VĒITUO PUODĒŠKAS PU GALVA PASĒKĒŠK AKMINI... TORIETOM MAČĪTĒ.
20. LĒGUONĀ SOSĒRINKĒI ROKOUJĒS APLE LĒGAS, VUO KOR SOSĒRENK PUOETĀ – RUODA SOKAS APLE NESOPRASTUS TALĒNTUS.
21. MĪLIEK SĀVA ARTĒMA KĀP PATS SAVI, PRIŠ NUORIEDAMS ANOU APSPJAUTĒ, ĒSĒKOUSK SAU I LĒIŽUVI...
22. GOLONTĒIS I GRABA, NESĒNUOR ŠALĒP MATĪTĒ KRIUOKONTIŪ, NĒS ĒR TĒP ŠIRDI SKAUD, ATSĒSVEIKĒNONT SO AŠARU PAKALNĒ.
23. STĒPRIAUSĒ DĒRVUO LAIKUOS PĒKTŽUOLĒS, SPAKAINIAUSĒ GĪVEN TĒI, KORĒI NEŽĒNA, KOU REIŠK SVĒKA GĪVENSĒNA.
24. ŠĒLTNAMĒ EPEKTS ATSĒRADA NE DIEL VOLKSWAGĒNA DIZELIAUS AFERAS, VUO DIEL PAR DĒDĒLĒ ŽMUONIŪ DEJAVĒMA... NES DEJOUNONT I ATMUOSPERA ĒŠSĒSKĒR DVĒGOBĀ DAUGIAU ONGLĒIS DVĒDEGĒNĒ, NEGU ŠĒP SAU ALSOUJINT... TAD PERŠAS ĒŠVADA – KOU DAUGIAU DEJOUSEM, TOU ŠĒLTIAU GĪVENSEM... A TAS ĪR BLUOGĀ, KUMET TĒIK BRONGĒ KAŠTOUN ŠĒLOMA?
25. JE NEBTURI NIEKA NAUJĒ PASAKĪTĒ, GERIAUSĒ TOU MUOMĒNTO PAKAUŠI PASĒKASĪTĒ Ē DOUTĒ KLAUSĪTUOJEMS PAKAJO... TĒP Ē PADĒRBSIO... DIEKOU OŽ DIEMESI.